


伏羲擬山定卦



天地定位山澤  
通氣風雷相薄  
水火不相射八  
卦相錯數往者  
順知來者逆乾  
坤縱而六子橫  
相爲對待以立  
本

道藏輯要

心傳述證錄  
伏羲擬山定卦

子  
鬼集七

沂陽子曰伏羲仰觀天文以畫八卦故日月星辰之行度運數  
十日四時之屬凡麗於天者八卦無不統之其父天母地乾上  
坤下六子旁列以河圖相生又以卦位相剋生剋備而天下治  
故男居西北陰方宜從母陰闢三陽見坤翕矣女居東南陽位  
宜從父陽直三陰見乾專矣獨東方震離相生者龍從火裏出  
乃先天之妙機也乾居南而坤居北謂乾首坤腹之象日出卯  
爲離火受生於木是居東月始庚爲坎水受生於金是居西亦  
自然之道耳